

**FRAMSELD REGLUGERÐ FRAMKVÆMDASTJÓRNARINNAR
(ESB) 2019/565****2019/EES/38/19****frá 28. mars 2019**

um breytingu á framseldri reglugerð framkvæmdastjórnarinnar (ESB) 2015/2205, framseldri reglugerð framkvæmdastjórnarinnar (ESB) nr. 2016/592 og framseldri reglugerð framkvæmdastjórnarinnar (ESB) 2016/1178 um viðbætur við reglugerð Evrópuþingsins og ráðsins (ESB) nr. 648/2012 að því er varðar daginn þegar stöðustofnunarskyldan tekur gildi fyrir tiltekna gerðir samninga (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 648/2012 frá 4. júlí 2012 um OTC-afleiður, miðlæga mótaðila og afleiðuviðskiptaskrár (1), einkum 2. mgr. 5. gr.,

og að teknu tilliti til eftirfarandi:

- 1) Hinn 29. mars 2017 lagði Bretland fram tilkynningu um þá fyrirætlan sína að ganga úr Sambandinu skv. 50. gr. sáttmálans um Evrópusambandið. Sáttmálarnir hætta að gilda um Bretland frá og með þeim degi þegar útgöngusamningur tekur gildi eða, sé ekki um slíkan samning að ræða, tveimur árum eftir tilkynninguna, nema leiðtogaráðið, í samráði við Bretland, ákveði einróma að framlengja það tímabil.
- 2) Framseld reglugerð framkvæmdastjórnarinnar (ESB) 2019/396 (2) kveður á um breytingu á framseldri reglugerð framkvæmdastjórnarinnar (ESB) 2015/2205 (3), framseldri reglugerð framkvæmdastjórnarinnar (ESB) 2016/592 (4) og framseldri reglugerð framkvæmdastjórnarinnar (ESB) 2016/1178 (5) að því er varðar daginn þegar stöðustofnunarskyldan tekur gildi fyrir tiltekna gerðir samninga. Samkvæmt 4. gr. framseldrar reglugerðar (ESB) 2019/396 skal sú reglugerð koma til framkvæmda frá og með deginum eftir að sáttmálarnir hætta að gilda um og í Bretlandi, skv. 3. mgr. 50. gr. sáttmálans um Evrópusambandið, nema útganga hafi öðlast gildi fyrir þann dag eða ef tveggja ára tímabilið sem um getur í 3. mgr. 50 gr. sáttmálans um Evrópusambandið hafi verið framlengt.
- 3) Bretland lagði með bréfi þann 20. mars 2019 fram ósk um framlengingu tímabilsins sem kveðið er á um í 3. mgr. 50. gr. sáttmálans um Evrópusambandið til 30. júní 2019, með það í huga að ljúka fullgildingunni útgöngusamningsins (6). Þann 21. mars 2019 samþykkti leiðtogaráðið framlengingu til 22. maí 2019 að því tilskildu að neðri deild þingsins samþykki útgöngusamninginn í vikunni á eftir. Ef það gerist ekki þá samþykkir leiðtogaráðið framlengingu til 12. apríl 2019. Af þessum sökum gildir framseld reglugerð (ESB) 2019/396 ekki.
- 4) Ástæðurnar sem liggja að baki framseldri reglugerð (ESB) 2019/396 eiga þó enn við, án tillits til framlengingar á tímabilinu sem um getur í 3. mgr. 50. gr. sáttmálans um Evrópusambandið. Einkum munu þær hættur sem stöðja að snurðlausri starfsemi markaðarins og jöfnum samkeppnisskilyrðum mótaðila með staðfestu í Sambandinu áfram eiga við ef Bretland gengur úr Sambandinu án samnings eftir framlengda tímabilið. Þessar hættur munu áfram verða til staðar um fyrirsjáanlega framtíð.

(*) Þessi ESB-gerð birtist í Stjtið. ESB L 99, 10.4.2019, bls. 6. Hennar var getið í ákvörðun sameiginlegu EES-nefndarinnar nr. 103/2019 frá 11 apríl 2019 um breytingu á IX. viðauka (Fjármálaþjónusta) við EES-samninginn (bíður birtingar).

(1) Stjtið. ESB L 201, 27.7. 2012, bls. 1.

(2) Framseld reglugerð framkvæmdastjórnarinnar (ESB) 2019/396 frá 19. desember 2018 um breytingu á framseldri reglugerð (ESB) 2015/2205, framseldri reglugerð (ESB) 2016/592 og framseldri reglugerð (ESB) 2016/1178 um viðbætur við reglugerð Evrópuþingsins og ráðsins (ESB) nr. 648/2012 að því er varðar daginn þegar stöðustofnunarskyldan tekur gildi fyrir tiltekna gerðir samninga (Stjtið. ESB L 71, 13.3.2019, bls. 11).

(3) Framseld reglugerð framkvæmdastjórnarinnar (ESB) 2015/2205 frá 6. ágúst 2015 um viðbætur við reglugerð Evrópuþingsins og ráðsins (EB) nr. 648/2012 að því er varðar tæknilega eftirlitsstaðla um stöðustofnunarskylduna (Stjtið. ESB L 314, 1.12.2015, bls. 13).

(4) Framseld reglugerð framkvæmdastjórnarinnar (ESB) 2016/592 frá 1. mars 2016 um viðbætur við reglugerð Evrópuþingsins og ráðsins (EB) nr. 648/2012 að því er varðar tæknilega eftirlitsstaðla um stöðustofnunarskylduna (Stjtið. ESB L 103, 19.4.2016, bls. 5).

(5) Framseld reglugerð framkvæmdastjórnarinnar (ESB) 2016/1178 frá 10. júní 2016 um viðbætur við reglugerð Evrópuþingsins og ráðsins (EB) nr. 648/2012 að því er varðar tæknilega eftirlitsstaðla um stöðustofnunarskylduna (Stjtið. ESB L 195, 20.7.2016, bls. 3).

(6) Samningur um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu (Stjtið. ESB C 66 I, 19.2.2019, bls. 1).

- 5) Því ætti að breyta framseldri reglugerð (ESB) 2015/2014, framseldri reglugerð (ESB) 2016/592 og framseldri reglugerð (ESB) 2016/1178 til samræmis við það.
- 6) Reglugerð þessi byggist á drögum að tæknilegum eftirlitsstöðlum sem Evrópska verðbréfamarkaðseftirlitsstofnunin hefur lagt fyrir framkvæmdastjórnina.
- 7) Nauðsynlegt er að greiða fyrir því að markaðsaðilar taki upp skilvirkar lausnir eins fljótt og hægt er. Evrópska verðbréfamarkaðseftirlitsstofnunin hefur því greint mögulegan tengdan kostnað og ávinning en hefur ekki haft opið samráð við almenning í samræmi við aðra undirgrein 1. mgr. 10. gr. reglugerðar Evrópuþingsins og ráðsins (ESB) nr. 1095/2010 ⁽⁷⁾. Af sömu ástæðum ætti þessi reglugerð að öðlast gildi daginn eftir birtingu hennar.

SAMÞYKKT REGLUGERÐ ÞESSA:

1. gr.

Breyting á framseldri reglugerð (ESB) 2015/2205

Framseldri reglugerð (ESB) 2015/2205 er breytt sem hér segir:

- 1) Í 3. gr. bætist við eftirfarandi málsgrein:

„3. Þrátt fyrir ákvæði 1. og 2. mgr. skal stöðustofnunar skyldan, að því er varðar samninga sem tilheyra flokki OTC-afleiðna sem settur er fram í viðaukanum, taka gildi 12 mánuðum eftir daginn þegar þessi reglugerð kemur til framkvæmda, ef eftirfarandi skilyrði eru uppfyllt:

- a) stöðustofnunar skyldan hefur ekki verið virkjuð fyrir 11. apríl 2019,
- b) samningarnir eru endurgerðir í þeim eina tilgangi að skipta út mótaðila með staðfestu í Bretlandi fyrir mótaðila í aðildarríki.“

- 2) Í stað 3. mgr. 4. gr. kemur eftirfarandi:

„3. Að því er varðar fjárhagslega mótaðila í flokki 3 og viðskipti þeirrar tegundar sem um getur í 2. og 3. mgr. 3. gr. þessarar reglugerðar milli fjárhagslegra mótaðila skal lágmark eftirstöðvatíma sem um getur í ii. lið b-liðar 1. mgr. 4. gr. reglugerðar (ESB) nr. 648/2012, á þeim degi sem stöðustofnunar skyldan tekur gildi, vera:

- a) 50 ár fyrir samninga sem tilheyra flokkunum í töflu 1 eða töflu 2 í viðaukanum,
- b) 3 ár fyrir samninga sem tilheyra flokkunum í töflu 3 eða töflu 4 í viðaukanum.“

2. gr.

Breyting á framseldri reglugerð (ESB) 2016/592

Framseldri reglugerð (ESB) 2016/592 er breytt sem hér segir:

- 1) Í 3. gr. bætist við eftirfarandi málsgrein:

„3. Þrátt fyrir ákvæði 1. og 2. mgr. skal stöðustofnunar skyldan, að því er varðar samninga sem tilheyra flokki OTC-afleiðna sem settur er fram í viðaukanum, taka gildi 12 mánuðum eftir daginn þegar þessi reglugerð kemur til framkvæmda, ef eftirfarandi skilyrði eru uppfyllt:

- a) stöðustofnunar skyldan hefur ekki verið virkjuð fyrir 11. apríl 2019,
- b) samningarnir eru endurgerðir í þeim eina tilgangi að skipta út mótaðila með staðfestu í Bretlandi fyrir mótaðila í aðildarríki.“

- 2) Í stað 3. mgr. 4. gr. kemur eftirfarandi:

„3. Að því er varðar fjárhagslega mótaðila í flokki 3 og viðskipti þeirrar tegundar sem um getur í 2. og 3. mgr. 3. gr. þessarar reglugerðar milli fjárhagslegra mótaðila skal lágmark eftirstöðvatíma sem um getur í ii. lið b-liðar 1. mgr. 4. gr. reglugerðar (ESB) nr. 648/2012, á þeim degi sem stöðustofnunar skyldan tekur gildi, vera 5 ár og 3 mánuðir.“

⁽⁷⁾ Reglugerð Evrópuþingsins og ráðsins (ESB) nr. 1095/2010 frá 24. nóvember 2010 um að koma á fót evrópskri eftirlitsstofnun (Evrópska verðbréfamarkaðseftirlitsstofnunin), um breytingu á ákvörðun nr. 716/2009/EB og um niðurfellingu á ákvörðun framkvæmdastjórnarinnar 2009/77/EB (Stjóð. ESB L 331, 15.12.2010, bls. 84).

3. gr.

Breyting á framseldri reglugerð (ESB) 2016/1178

Framseldri reglugerð (ESB) 2016/1178 er breytt sem hér segir:

1) Í 3. gr. bætist við eftirfarandi málsgrein:

„3. Þrátt fyrir ákvæði 1. og 2. mgr. skal stöðustofnunar skyldan, að því er varðar samninga sem tilheyra flokki OTC-afleiðna sem settur er fram í viðaukanum, taka gildi 12 mánuðum eftir daginn þegar þessi reglugerð kemur til framkvæmda, ef eftirfarandi skilyrði eru uppfyllt:

- a) stöðustofnunar skyldan hefur ekki verið virkjuð fyrir 11. apríl 2019,
- b) samningarnir eru endurgerðir í þeim eina tilgangi að skipta út mótaðila með staðfestu í Bretlandi fyrir mótaðila í aðildarríki.“

2) Í stað 3. mgr. 4. gr. kemur eftirfarandi:

„3. Að því er varðar fjárhagslega mótaðila í flokki 3 og viðskipti þeirrar tegundar sem um getur í 2. og 3. mgr. 3. gr. þessarar reglugerðar milli fjárhagslegra mótaðila skal lágmark eftirstöðvatíma sem um getur í ii. lið b-liðar 1. mgr. 4. gr. reglugerðar (ESB) nr. 648/2012, á þeim degi sem stöðustofnunar skyldan tekur gildi, vera:

- a) 15 ár fyrir samninga sem tilheyra flokkunum í töflu 1 í I. viðauka,
- b) 3 ár fyrir samninga sem tilheyra flokkunum í töflu 2 í I. viðauka.“

4. gr.

Gildistaka og beiting

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Hún skal koma til framkvæmda frá og með deginum eftir að sáttmálarnir hætta að gilda um Bretland og í Bretlandi í samræmi við 3. mgr. 50. gr. sáttmálans um Evrópusambandið.

Ákvæði þessarar reglugerðar skulu þó ekki gilda í eftirfarandi tilvikum:

- a) ef útgöngusamningur, sem gerður er við Bretland í samræmi við 2. mgr. 50. gr. sáttmálans um Evrópusambandið, hefur öðlast gildi fyrir þann dag sem um getur í annarri málsgrein þessarar greinar,
- b) ef ákvörðun hefur verið tekin um að framlengja tveggja ára tímabilið sem um getur í 3. mgr. 50. gr. sáttmálans um Evrópusambandið fram yfir 31. desember 2019.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 28. mars 2019.

Fyrir hönd framkvæmdastjórnarinnar,

Jean-Claude JUNCKER

forseti.